

光緒山西通志

金石記八

記五之八

山西通志弟九十六

賜坐山身鎮品頂戴兵部侍郎兼都察院右副都御史巡撫山西提督軍務張帥

旨監修

碑碣

元

霍州經始公麻橋道碑

蒙古丁酉 舊在州署

謹案碑爲太宗九年復立霍州州人記長官程榮營
建之功者文云生長天之力中皇帝福慶裏拔獨大
王令旨札魯火赤那延塔刺忽歹劄付行中書省胡
丞相宣差平陽路都達花赤薛闕官人一同商量了
呵交程榮充霍州長官復立城池起蓋公麻通管霍

邑趙城靈石汾西岳陽五縣署事勾當云云其起數

語蓋當時公式文字也元初所得中原城邑悉以分

給將士太祖十八年癸未金宣宗元光二年始置達魯花赤

語解作達魯噶齊譯言掌印官也監治郡縣太宗元年始於平陽置

萬戶府三年始立中書省六年減金八年乃括中原

戶口置官定賦法蓋霍州自金興定二年八月爲木

華黎所取至是歲凡二十年得復立爲州也程榮靈

石人碑稱庚寅冬十月車駕南征過魯班纏一帶御

攬得最係衝要命公爲元帥掌領太原路軍兵監修

橋道則太宗二年自將攻汴時也又云甲午秋七月

重受皇宣特委提控平陽太原兩路橋道則六年滅

金後諸道並置驛時也魯班纏在靈石縣南四十里

汾河側古陰地。元時高壁嶺未開，驛路皆沿汾河。西山而行，凡路盤曲者，俗名爲纏去聲。字當作延，今俗別書爲迪。

修文廟疏石刻

蒙古庚子 草書今在潞安府學

長治縣志：蒙古太宗十二年立碑前書，重修宣聖廟疏。後署庚子年八月，宣差總管安撫使粘合元初、太原平陽俱爲萬戶府，設安撫使潞州時，屬平陽。此總管粘合下所屬修學牒也。文粗可誦，以大草書之末行署名。下作花押，如上形，可徵當時政令之簡。

郝天挺墓銘

蒙古辛丑 元好問撰今在陵川縣

凌廷堪遺山年譜先生十四歲從父格官陵川受業於郝天挺之門案元史又有一郝天挺字繼先出於朶魯別族受業於遺山累拜河南行省平章政事諡文定嘗修雲南實錄五卷又注唐人鼓吹集十卷行於世此天挺非晉卿也時前後二郝天挺一爲先生之師一爲先生之弟子王文簡池北偶談辨之甚詳

謹案金史隱逸傳天挺年五十終於舞陽此誌云春秋五十七終於寓舍郝經先大父墓銘亦云興定元年月日考終命於北舞寓舍春秋五十七史傳實約取誌銘爲之而書卒年乃疎略若此北舞在舞陽縣北十五里而誌云先生歿於成泉又云往年赴弔成泉蓋其子思溫以興定四年奉柩北歸道經汜水遺

山方居汜南走奠逆旅誌成於辛丑之秋事踰廿年
便文屬詞不更審也

中鎮廟碑銘

蒙古壬寅 劉祁撰今在趙城縣東霍山上

謹案文稱金貞祐之亂河東河朔名山大川神祠無
不灰燼是廟巋然獨存中書省左右侍郎中李侯貞
府官張仲良暨僚史曹經發財募工相與經營所云
李侯及張曹皆富爲晉人今無可考劉祁字京叔渾
源州人金史附見父劉從益傳碑云時余在安陽聞
之恨未得一謁案祁游林慮西山記云癸卯之冬祁
自蘇門徙居相臺據此則前一年已嘗居相臺矣祁
著有歸潛志神川遊士集其集久不傳近刻歸潛志

附其遺文三首未見此碑也

惠遠祠新建外門記

蒙古壬寅 元好問撰舊在太原縣晉祠

謹案記云寶坻高侯天輔憫外門之頽毀也力爲新之起於辛丑之正月而成於其年之七月明年五月吉日新興元某記高天輔蓋平晉長官元史太宗崩於辛丑十一月明年壬寅爲馬眞六皇后稱制之元年

后土廟碑

蒙古壬寅 今在鄉甯縣城內

九原府元帥張安甯墓表

蒙古壬寅 元好問撰今在定襄縣邢村

謹案張侯以旣葬四年墓已有碑故不書名字及卒年葬所據忻州志元職官張安甯定襄人九原府定遠大將軍總管大元帥卽其人也忻州改九原府不見於史僅世祖紀至元三年有以代嶠堅臺諸州隸忻州之文元制以路領府以府領州所云忻州實九原府也此碑成於壬寅四月距張歿已四年文云侯治吾州十五年其爲總管府自當在太宗初而文但稱爲州將自稱爲州民臨文便辭也碑近在定襄而遺山集不收道光中定襄有某太守重刊元集竟未補入尤可怪也

金朝列大夫同知河間府張公著墓表

蒙古癸卯 舊在陽曲縣東山大石谷

謹案公著立朝剛直在官死節得遣山爲之表阡洵足爭光日月文稱公著大父祐長於術數卜葬東山之大石谷自言卻後三十年吾宗當有文達者末云葬某所之先塋似其墓卽當在大石谷者舊志不載殊略其石刻亦不知其存否也當訪之

通元大師李大方墓碑

蒙古癸卯 元好問撰舊在汾西縣

遺山年譜先生朝列大夫張公墓表歲癸卯秋九月某客燕中又通元大師李君墓碑癸卯冬予自燕都還太原廷堪案先生北渡後是年始往燕京元史地理志大都路元太祖十年克燕初爲燕京路太宗紀八年夏六月耶律楚材請立編修所於燕京經籍所於平陽編集經史召儒士

梁玉充長官以王萬慶趙著副之編修所者史也先生燕

中之行蓋爲史事

樂大方舊志據道山詩列入麗逸云北山翁不詳其名蓋未檢有墓碑也

新開渚水渠堰記

蒙古甲辰 元好問撰舊在定襄縣

謹案渠爲定襄李子成所開記云經始於壬寅之八月起湯頭嶺西之北村上下逾六十里經建安口乃合流所云湯頭建安北村遺迹宛然而渠則久堙光緒丁丑有御史奏請興復水利以工代賑下山西官吏按驗事竟不行蓋沮之者卽湯頭北村諸人而官是州者又苦於渠案之繁不欲興大役也方知記中云農民盜水致訟甲乙鈎連至以水田爲諱者自昔已然又言河朔州郡非無川澤而人不知有川澤捐

山西通志卷九十一 金石記八 五
可居之食失當乘之機如愚賈操金昧於質遷之術
早曠爲虐搏手困窮尤爲剗切也

金廣威將軍郭瑄墓表

蒙古甲辰 元好問撰舊在崑崙州

謹案瑄字子玉仕至嵩州知法充行尙書六部主事
廣威將軍汾陽縣開國子正大二年正月元日卒於
嵩州寓舍歸葬州北天澗南原遺山過洛西其子道
領西安軍節度副使仲文請爲是表

明陽觀碑

蒙古甲辰 元好問撰今在五臺縣紫羅山

謹案此文遺山集不載觀爲全真師姬志元建邱長
春弟子也文云甲辰春史館從事李君昂攜姬之徒

王志寬過予讀書山云云正遼山家居時也縣志云
文推拓問涉模糊矣

崞山祠王無競題名記

蒙古乙巳 元好問撰舊在崞縣

謹案記稱乙巳秋與梁辨疑李輔之武伯佐游崞山
因得無競崞山神三字又云明昌以後縣多名進士
如劉洗馬子安樂少尹仲容胥莘公和之張大興信
之楊大參叔玉皆嘗遊於祠下胥莘公名鼎繁時人
楊大參名慥五臺人似嘗寓於崞縣或家里相近故
遺山並目爲縣人也王監使名特起張信之金末官
左司郎中見歸潛志餘無考

金國子祭酒權刑部尙書馮延登墓碑

蒙古乙巳 元好問撰今在吉州東北十里楊莊

謹案延登殉國難見金史忠義傳碑爲其季子璽寶尉亨薨衣冠於故里而祈遺山爲之銘者

澤州重修廟學記

蒙古丙午 李俊民撰今在文廟

鳳巖縣志莊靖記稱前進士書丹篆額則劉正姚昇皆莊靖友也後書丙午十月丙戌朔而不紀年者則以蒙古寶祐五年未建國號故也案此誤是年七月蒙古大皇帝元年寶祐宋理宗寶祐六年也又考莊靖先生爲世祖藩邸承制加號非賜諡也元史俊民傳以爲諡莊靖誤

朝元觀記

蒙古丁未 元好問撰今在崞縣

謹案觀爲庚寅歲崑山軍節度使闕德剛所建文首
云歲丁未二月梁鍊師辨疑過新興踵門爲余言末
署望日遺山眞隱元某記時遺山方里居也金末文
人多以四字爲別號見於中州集者指不勝屈蓋一
時風氣使然遺山亦所不免然僅用之寺觀刻石又
書之文末不似他人竟同於結銜也

清虛觀記

蒙古丁未 今在甯鄉縣

謹案碑前書舜澤榜樣道人秦志安撰古定馮有鄰
書後書大蒙古國丁未歲八月己酉中秋日化緣功
德主修真道士淵靜子衛志和立舜澤當爲漫澤在
陽城古定疑是定陽在介休署古地名已非例而又

以意改易割裂竟不知爲何許人矣

金中順大夫鎮南軍節度副使張景賢墓碑

蒙古丁未 元好問撰舊在臨汾縣

謹案道山集此碑中有缺文其稱景賢當是其字文
云葬於縣西北唐城鄉南五里之先塋

太平崇聖宮聖旨碑

有陰

蒙古己酉 蒙古字碑陰正書今在平遙縣清虛觀

平遙縣志元蒙古字碑在清虛觀三清殿內字如世傳
準提呪文極方整可觀亦一代典故也碑陰漢字譯之
云長生天氣力裏大福蔭護助裏皇帝聖旨軍官每根
底軍人每根底城子裏達魯花赤官人每根底來往的
使臣每宣諭的聖旨成吉思皇帝月哥台皇帝薛禪皇

帝完澤篤皇帝聖旨褒和尚也里可溫先生每不揀甚
麼差發休當天根底禱告祈福祝壽者那般道有來如
今依著在先聖旨體例裏不揀甚差發休當天根底禱
告祈福祝壽者麼道于道淵授通元微如靜照大師冀
甯路平遙縣太平崇聖宮住持本宗提點通義中和大
師本宮提點高道陟棲遠常妙大師提舉趙道恆這先
生每根底執把待的聖旨與了也這的每宮觀每他每
房舍使臣休安下者鋪馬祇應休拿者商稅地稅休與
者但屬宮觀的莊田桑土園林碾磨解典庫店倉鋪席
浴室船隻竹葦醋麪貨不揀甚麼差發休要者不揀是
誰休倚氣力者不揀甚麼他每的休奪要者更這的每
道有聖旨麼道沒體例的勾當休做者做呵他每不那

山西通志卷之二十一 金石記
的那聖旨俺的雞兒年九月初五日龍虎臺有時分寫
來

謹案雞兒年乃至大己酉武宗即位之次年也因縣

志以爲蒙哥皇帝碑遂誤次於此今考碑內所云成

吉思皇帝太祖也月哥台皇帝太宗也

元史作窩闊台薛禪

皇帝世祖也完澤篤皇帝成宗也龍虎臺在居庸關

是年三月武宗幸上都至九月七日丙戌始還旨發

於前二日甲申近畿駐蹕時也以十二相紀年今所

見有元祕史碑刻亦間有之

絳州鼓堆有猴兒年碑當是戊申歲所立者忘

其撰書人詔詞率鄙俚不文實皆原譯也此碑兼書蒙古

字可備掌故

金河中府治中司農丞康錫墓表

蒙古戊申 元好問撰傳在臨汾縣

謹案錫字伯祿舉崇慶二年進士文稱同年生如雷御史希顏冀都司京父宋內翰飛卿等名士數十人世以比唐之龍虎榜至論公輔大器尙以伯祿爲稱首云其推崇可謂至矣然伯祿京父同殉國難尤爲大節凜然更不藉科名重也墓在唐城鄉東南五里據碑乃其從弟銳招魂葬者唐城卽古平陽在臨汾縣西二十里而府縣志與張景賢墓均不著疑碑已亡矣

三皇堂記

蒙古己酉 元好問撰舊在太原府

謹案堂爲太原醫師趙國器所立者國器名大用時

爲惠民局長

金贈武信將軍曹元阡表

蒙古已酉 元好問撰舊在隰州

謹案元子椿年大安中出粟佐軍仕爲綬德令得贈五品武階金亡後又事元爲行臺參佐其人蓋碌碌者遺山特以其宗人益甫故爲撰此文益甫名之謙應州人其時寓居於平陽也碑稱興定己卯秋君歿之兩月州陷盡室被俘夫人以財給兵士以故家人得少寬卒罵不絕口而死是可傳已

會真觀記

蒙古已酉 李俊民撰今在鳳臺縣水北村

鳳臺縣志碑後書己酉十月十七日鶴鳴老人記蓋金

狀元李俊民爲道人通微子杜志元記也記稱志元庚寅詣天壇屬金正大七年蒙古太宗二年越五年金亡又十四年戊申爲定宗貴由三年是年定宗崩議立未決歷己酉庚戌三歲無君故記稱己酉不書年號記又稱澤州次官趙唐與段長官直申鎮撫甫想爲木華黎同時承制授其修建人如水東劉福係以彭城水西景遇屬之晉陽特以族望謙道人京兆之杜耳至記文書法均古雅可愛

天慶尊師王志常墓表

蒙古庚戌 元好問撰今在忻州西北原

天慶觀重建功德碑

蒙古辛亥 元好問撰今在忻州九龍岡

謹案碑爲宣撫使劉易州將樊勝重起殿宇而作遺
山以州人故敘天慶緣起甚詳所云宋都官員外知
州事冉宗閔明慶殿記著作耶知平遙縣事權通判
杜岐公衍列仙亭題詠今石刻已無存又云岐公白
子西之詩高司戶子文之筆札孫內翰國鎮之文往
往在人口傳知雄水壁極風濤起伏之變有蜀兩孫
之風張永滔天蓬四聖毛髮生動威重可怖號爲河
東名筆皆遊人過客之願見唐子西者名皞宋詩人
居陽曲北山高子文名永年進士孫國鎮名九鼎金
初狀元傅張晝無傳亦不知何許人也

鶴鳴堂記

蒙古辛亥 今在澤州府

鳳臺縣志金進士義豐楊果撰稱段澤州正卿直今之賢諸侯也師事李用章先生以鶴鳴名其堂鶴鳴先生所自號用章其字也中以鶴鳴喻俊民文品之高後書歲次辛亥十月中泮日考辛亥爲蒙古憲宗蒙哥元年未改元故年號不書

金贈中大夫輕車都尉南陽郡伯白全道墓表

蒙古辛亥 元好問撰舊在河曲縣

謹案白文舉樞判華與遺山善其母南陽郡太君之歿遺山爲表墓此則其父碑也集本闕名全道其字也

亞嶽廟靈應記

蒙古癸丑四月 今在潞安府崔府君廟

謹案亞嶽廟卽律府君也碑前書寓草懷竹軒申鼎
撰汝陽進士弋毅英書丹上黨郭國材篆額據文鼎
實潞人山中書省掾遷至郎中丁未夏以下血疾就
醫於州人楊榮嘗至祠下書二十方覆之而祝於神
連探得枳殼宣連丸服之盡劑疾果愈是年遂於廟
構軒楹刻其事於石管醮官李德用助工人權州李
筠經歷高旺皆無考其書丹之弋毅英字良佐遺山
集有送其南歸詩又有臨海弋公阡表稱其文學行
義高出時輩

襄陵重修廟學碑

蒙古甲寅 麻革撰今在文廟

謹案碑稱天朝開國裂土以建同姓震宮得河東道

仍割州之吉邑之襄陵潞城界嗣王治襄陵選年者
德茂者八何赤統其事且命天成李侯貳之八何赤
譚言爲人師者云云元代山西地多爲諸王及功臣
食邑舊志尤赤大王太祖長子太宗八年撥平陽四
萬一千三百二戶元史言其封國極遠去京師數萬
里其位下舊賜平陽晉州永州分地碑云震宮明指
尤赤所云嗣王疑是其子拔都霍州公麻碑所謂拔
都大王者也然是時王輔憲宗不應居襄陵或其子
孫也天成李侯名亦無考麻革字信之虞鄉人河汾
諸老集所謂貽溪先生者也

梁甫廟碑

蒙古乙卯

今在澤州府天齊廟

鳳臺縣志碑前書莊靖先生李俊民撰後書乙卯年十
一月初二日文體博雅係後人重刻記稱宋乾德三年
始建廟屢燬兵火張珏等更一新之進士賀彰求記並
書考乾德三年爲宋太祖乙卯蓋蒙古寶祐三年身是
蒙古憲宗五年南宋理宗寶祐三年身是以年號係之蒙古非
元年癸丑已加號莊靖先
生故書號不書前進士與鶴鳴老人凡古人立言各有
體制如莊靖此記不曰天齊而曰梁甫可以鍼俗說荒

謬

解鹽司新修池神廟碑

蒙古乙卯 李庭撰今在鹽池內

謹案碑稱癸丑歲方經略川蜀規措軍儲用度置從
宜府右丞忠宣李公實當其任元史李德輝傳世傳

受京兆分地擇廷臣能理財賦者碑調軍食立從宜
府以德輝爲副使忠宣蓋卽德輝字也李庭亦見於
史後與德輝同爲平宋功臣

沁州長官贈沁陽公杜豐祠堂記

蒙古丙辰 弋發撰舊在沁州並平遙縣

謹案碑云中書楊君以朝命宣撫是邦親閱政績集
僚佐耆老而論之又云王恩優渥廟貌俾新榮上公
之號腆血食之祀所言中書楊公楊惟中也時世祖
方以皇太弟開府燕京故立祠贈爵之舉皆承制爲
之碑末書歲丙辰七月二十五日記明威將軍吉州
路總管府達魯花赤杜思明承務郎固鎮鐵冶提舉
杜思忠奉訓大夫僉河西隴右道提刑按察司事杜

思問立石據文碑爲沁州人所立而此書其子蓋其
後家亦立祠仍刻沁祠原文者撰文之弋毅英碑書
爲弋毅蓋出仕時省其一字也以此例之則元史書
元裕之爲元裕當非訛誤

金太學生郝天挺墓銘

蒙古丙辰 孫郝經撰今在陵川縣

謹案文忠集銘爲丙辰春伯常奉父命而作者集中
所撰先父行狀有云丙辰經被徵北上及還議歸鄉
里拜謁松楸故預爲撰銘也晉卿葬以興定四年歲
山已爲之表此更補敘其軼事如貽書范元直放渡
河朔難民卒後和之負櫬展轉寇穴卒達陵川皆元
文所無也

金東軒老人郝震墓銘

從曾孫郝經撰今在陵川縣

金郝源墓銘

從孫郝經撰今在陵川縣

謹案源字清卿卽建樑華堂者此與東軒墓銘皆作於丙辰歲蓋伯常擬歸里後追樹者也

金陽曲令周鼎墓表

元好問撰今在定襄縣南王村

謹案金史宣宗本紀興定二年九月乙亥元兵下太原府元帥左監軍烏古論德升死之碑云是歲城沒於兵實興定二年九月六日也案是年八月爲庚子朔則九月六日適得乙亥與史合其云太原行元帥

府事翟德升雅知君名以便宜起復定襄丞明年遷陽曲令當城破時德升自縊死而鼎死於兵金史忠義傳無鼎又不附見於德升傳殊略烏古論爲金源大姓當時或譯爲翟故文稱翟德升也文稱弟獻臣旣通貴佩金符以年月日奉衣冠葬於五村里西原之先塋則文當成於庚子後遺山里居時矣

州將樊天勝生冢記

元好問撰舊在定襄縣沙村

謹案記稱往在丙戌之春侯方從征淮海常山軍取太原及晉州又三年常山復取平定孟五臺阜平軍東山丙戌爲金哀宗正大三年常山軍謂恆山公武仙也金史武仙傳仙以眞定四年歸順於元正大二

年復來降爲元大將笑乃解擊敗奔汴五年復封恆
山公置府衛州其三年中兵事傳皆不書此記爲特
詳可補史略矣記又稱天勝以武功積官服民政者
垂二十年遯山卒於丁巳九月上距丙戌二十二年
則記當作甲寅乙卯間矣

金中京留守段規墓表

蒙古丁巳 段成己撰今在稷山縣小甯村

謹案碑稱公卒之五年河南平又二十二年始歸葬
又二年以文揭於墓是在金亡後二十四年蒙古太
宗之七年也

棟華堂記

蒙古己未 郝經撰舊在陵川縣

山陰通志卷九十一
金石記
十五
謹案記後有棣華堂詩記稱王辰之變郝宗殲於許
洛之間經北渡居於保定陵川故居獨棣華堂與庭
中之棠存己未夏外伯父牛君視經於曹南言邇年
棣華尤爲茂異故作棣華之詩俾識諸堂且無忘先
東軒老人之懿云

郝天佑墓銘

從孫郝經撰今在陵川縣

謹案天佑字賢卿東軒子也壬辰沒於兵銘稱先君
既命經論次先世故誓此列諸東軒老人墓側以事
不朽蓋招魂葬也據文忠所撰父行狀其父卒於戊
午冬十一月此銘稱先君則與以前之銘明非同時
作當與棣華堂記同出己未夏至明年四月世祖卽

位建元中統而文忠已於三月以國信使舍命入宋
矣

二程先生祠堂記

郝經撰舊在澤州府學

歸潛堂銘

陳可時撰舊在渾源州

志略時可自署寂通居士京叔自壬辰還鄉後躬耕自給
築室榜曰歸潛並自撰記今石刻無存

華州節度使王謹成墓碑

今在聞喜縣見縣志碑目

金評事劉廣墓誌

高平邵炳撰子潞州元帥劉寬立石今在平順鄉西山

夷齊廟詩石刻

楊奐撰今在永濟縣

謹案元自世祖始建年號至元八年始改蒙古爲元以前起天興甲午訖憲宗己未中間凡二十五年碑刻存者或書大蒙古或但書甲子其時金源遺獻遺山而外如莊靖賚溪京叔段氏二妙後起如陵川極文章之盛茲檢遺集及方志凡碑版之文並加甄錄其碑見存或爲後人所追豎則皆以立石之年爲斷

崇福寺碑

中統二年 今在隰州西曲里

謹案碑記僧普資興修事鄉貢進士趙德元撰進士王天諒書丹碑末署溫泉縣縣官張遵溫泉本唐舊

縣金時省元史地理志隰州領縣三溫泉至元三年
省入州不詳何時復置據碑當在中統以前矣

重修聖母廟碑

中統二年 今在潞城縣三池里

謹案廟在聖母谷俗傳爲李衛公行雨假宿之所者

已見宋建中靖國碑此碑爲蒙古太宗甲午是年州

帥馬禧重修而道士三洞講師秦容所記至是年始

鐫之石者記後有跋末題中統二年歲次辛酉仲秋

望前一日進義副尉王佾州倉使王信立石前潞州

昭義軍元帥兼鎮遏軍民採訪使提領本縣軍民

馬禧建

沁州長官杜豐墓碑

中統四年 李鼎撰今在平遙縣范洛村一在沁州西寺莊村

謹案沁州志豐與三子思明思忠思敬俱葬州西三十五里據碑則豐歿後其夫人王氏遵遺命歸葬故里沁人留之不可乃別起祠墓故州之寺莊亦有碑也碑前題云龍虎衛上將軍河東南北路兵馬大元帥便宜行事沁州長官杜公神道碑末云中統四年龍集甲子上巳日夫人王氏建文爲李鼎撰鼎太原人進士

三靈侯廟碑

中統四年 今在開喜縣上鎮見縣志碑目

善利渠碑

中統年 舊在趙城縣

趙城縣志元晉甯路錄事司教諭馬迪記略云善利渠者金泰和初北石明村人姜善信令汾西師家莊木邑南北石明三村各設渠長聚夫開洩太和三年渠成澆灌三村地土貞祐之亂廢大元中統間村人郭元長集三村人復議開渠依前例使水自汾西小河村北過干河村村南有石坂數十丈以次開鑿水得順流

徵李俊民令旨石刻

中統年 今在鳳臺縣學

鳳臺縣志世祖藩邸示俊民令旨也起癸丑五月至甲寅七月凡五道後列參議劉巨川男學錄汝楫立石學正劉夢澤學諭吳輝提舉縣令張德顯提舉司官賈鳳

儀提舉興修學校馮裕劉興張山同提舉學校趙庚申甫澤州長官提舉學校段紹隆考癸丑憲宗元年甲寅二年又六年庚申爲世祖中統元年先是職官未備皆係承制割授學職繁多至中統二年置諸路學校官省置正副提舉二人路設教授學正學錄各一員散府上中州設教授一員下州設學正一員縣教諭一員始有定制令旨中有仍以姪孫仲修爲後或因俊民子揚已死無子故也所呈諸生申天祐四人天祐申甫之子仕終廣濟丞餘不可考

平定等處總管都元帥聶珪墓碑

中統年 李冶撰今在平定州西南二里

長春觀碑

中統年 胡大有撰今在稷山縣西

嘗穀臺碑

至元二年 今在隰州東北四十里

志略碑列銜有欽差官道正劉志鄉正孫永昌酒監晉昇
馮瑞庫徒曹居仁學正李師顏進士李璋隰川縣尹劉謙
縣尉吉英典史賀大師宣差達魯花赤脫欒宣差縣尹杜
思明提控案牘呂光鳳都目甘霖孔目官魯才司吏譚宇
王宇劉洛曹隨李侃曹規牛祥後署至元二年乙丑冬十
月望日前隰州軍判高鴻書龍泉處士馮興刊按隰州有
穀城在州東北四十里九域志神農嘗五穀於此今合桑
村別有嘗穀臺故址

李莊宣聖廟碑

至元二年 今在潞城縣平順鄉北

謹案廟爲金太和中李莊人王備所建備孫大椿及弟大用修之而集賢學士朱渤爲作記渤字齊彥長子人中書朱子貞子也元史附見父傳

臥虎觀碑

至元二年 進士劉汝周撰今在永甯州西五十里

潤濟侯廟碑

至元二年 馮鈺撰今在介休縣河村

謹案記卽馬跑泉神也宋宣和中錫號掾水經注木名原公水後誘原爲源遂以北魏源賀實之泉不經介休境以禱雨有應村人爲建祠

四賢堂記

至元二年 徐世隆撰舊在平定州

趙景先六賢堂記金季咸稱趙楊兩先生爲二賢總帥

聶珪議建祠不果至元間知州劉天祿始克成併升元

李遂名四賢堂後人繼述迭升王李自四而五五而六

焉太常世隆徐先生撰四賢堂記呂忠肅公撰五賢堂

記悉燬於兵燹案世隆字威卿陳州人嘗與元遺山峇

名臣事略嘗引此記茲錄之延至郡舍初聶侯珪帥平定

教齋李公之名而賢之延至郡舍初聶侯珪帥平定

過之爲數日留因追憶開文獻二老作詩云百年

木鬱蒼蒼香舊風流趙與楊爲向榆關使君道郡中

有二賢堂聶侯起謝曰此珪志也方經始而聶侯卒至

元二年劉侯天祿繼守是州爲屋數楹置趙楊元李四

公像於中以事之惟開文獻二老作詩云百年

師皆在禮部翰林對持文柄時號揚趙遺山敬齊皆二

公門下自南都時才已相埒北渡後嘗往來西州寓志

於文字間更唱迭和世亦謂之元李海內之人議與不

識往往誦其詩讀其書敬仰其人蓋所謂聞而不得見

見而不得親者據記則當時乃別爲屋以祀者州志以

爲卽陽雲樓舊址爲堂當是後人所移據
呂思誠平定風土記則元末已祀於樓矣

霍州新遷學記

至元三年 段成已撰知州韓爽賈琪建

忠昌軍節度使鄭皋墓碑

至元三年 袁希耽撰今在陽城縣

謹案碑爲節度子宣慰使鄭鼎所立金史元光二年
升澤州爲節鎮號忠昌軍據碑皋同知節度以正大
戊子歸附太師國王其年十一月卒戊子爲金哀宗
五年時木華黎已卒太師國王疑爲其子索魯亦追
稱也

訓義門記

至元四年 張著撰今在襄陵縣東張相村

謹案著嘗官平陽教授世稱蒙溪先生者也至元四年鄉人修里門箬爲定名並撰此記

汾東王廟記

至元四年 今在太原縣晉祠

謹案碑前書宣授太原路提舉學校官弋教撰中書省左右司員外郎馮表書丹宣差五路萬戶府參議田伯英篆額唐叔虞祠自石晉天福六年封興安王宋天聖後復改汾東王碑據魏書地形志晉陽有晉王祠謂王祠之在此其來已遠又云總管李公由山西兩路宣慰使殿是邦修舉百神之祀如李晉王狄梁公臺駘狐突寶鳴犢廟悉爲完護中書右丞張君勉以興滯補弊之語李公名不可考中書右丞張君

卽張德輝也伯佐從元遺山游遺山嘗稱其學行高出時輩故其文雅飭猶有先正典型也

堯廟碑

至元六年 王磐撰今在臨汾縣南五里

謹案碑稱至元二年春從道士靖應真人姜善信請大修祠宇至五年八月落成詔賜額賜金及田磐時爲翰林學士奉勅撰記

律呂神祠碑

至元六年 麻治撰今在渾源州北七里

謹案碑稱神之原委廟之權輿考無圖記長老相傳創於元魏修於李唐而云神谿之水出其陽流益遠利益大雨暘愆期有禱必答守土者俎豆爲常則又

似爲水神者州志載唐太和元年六月望宏州人張珪晚憩石上有神人空中言曰律呂律呂天上勅汝是月二十五日行硬雨語畢騰空而去珪至家徧語鄰村使速收麥未及收者輒敗考宏州遼屬西京統和中始置者安得唐太和中已有其名或金泰和志譌爲唐也

李氏宗派圖石刻

至元七年 今在保德州

舊通志李謙號野軒累官翰林學士弟志和爲道士號元希真人行真爲僧至元七年石刻宗支圖及兄弟分授三教詩今多剝落翰林學士王仲謀陳儼俱有詩舊志遺宅在上街之西

廣教禪寺碑

至元六年 今在閩喜縣見縣志碑目

眞澤二眞人廟碑

至元七年 宋勛撰今在壺關縣神郊村文見縣志

猗氏縣文宣王廟詩碣

至元口年 王思誠撰監縣也先伯立石

神泉記

至元九年 高鴻撰今在崞州

法興寺碑

至元十年 宋衡撰今在長子縣慈林山

謹案宋衡長子人元史有傳所著秬山集十卷今不
傳碑稱衡七歲侍先大父上馬武京遷洛西去國五

十年近始能歸葬大父於先塋又稱其祖兵部公柱
笏軒留題今猶未抹本傳銜金兵部員外郎元吉之
孫年十七避地襄陽云云據金史興定四年庚辰上
黨公張開壁馬武砦由庚辰至是年甲戌凡五十五
年是其避地卽在興定時自述年七歲史言十七似
史有誤至所言元吉柱笏軒留題詩已不傳當是書
之寺壁者故云未抹非有石刻也

西京華嚴寺碑

至元十年 今在大同府城

大同府志西京大華嚴寺佛月圓照明公和尚碑銘雲
峯寺住持祥邁撰文西京路總管兼大同府尹田介篆

額靈邱縣曲迴寺住持悟圓書

案西京於二十
五年改大同路

聞喜重修宣聖廟碑

至元十一年 今在文廟見縣志碑目

鄉雲觀碑

至元十一年 今在陽曲縣辛莊

舊通志教授冷賢甫撰全真道士李志朴建在城北九
十里藥羅山下

潞川驛記

至元十二年 舊在潞城縣

潞城縣志縣尹張仲夔因西園嘉禾堂故址建潞川驛
文甚明煥舊志題爲文廟西園嘉禾堂記誤撰文之王
利用署銜監察御史元史云通州潞人而文云先塋在
縣則實潞州潞城人也

東嶽廟重修碑銘

至元十二年 胡祇遒撰今在潞城縣

謹案廟亦縣尹張仲夔所補葺者而祇遒以巡按至縣爲作是記元史本傳祇遒字紹聞武安人至元中由員外忤權貴出爲太原路治中提舉本路鐵冶而碑署監察御史當以碑爲正策竹堂書目載所著紫山文集今存

萬聖觀碑

至元十口年 劉廣撰今在襄陵縣西齊村

謹案觀額世祖所賜鄭真人志誠修鍊之所也碑記真人得道事陳廣臨晉人見房祺河汾諸老詩集

重修興國院碑

至元十七年 僧福和撰李元興書今在平遙縣

明威將軍管州知州周美去思碑

至元十五年 王邦憲撰今在靜樂縣

謹案管州始置於金元初於州置河北路元帥府又以嵐州之岢嵐甯化樓煩三縣併入地極廣莫美以治績顯亦爲難矣舊通志名宦列入金時誤

垣曲縣文廟碑

至元十六年 絳州學正宋景庠撰縣尹岳宏立

七佛廟碑

至元十六年 今在壺關縣南二十五里沙窟村

壺關縣志教諭韓仲元撰記承事郎同知潞州事前壺關縣尹邴彥明敦武校尉壺關縣尹牛天麟立石

襄垣縣重修官廡記

至元十七年 胡祇通撰今在縣署

謹案記稱至元十三年秋巡按河東過遼州襄垣二城官廡一新則文與潞城東嶽廟爲同時作者而此記至是年五月始上石也

至德真人程志保碑

至元十七年 王構撰舊在交城縣城

謹案志保自號通真子主元真觀中統間賜號冲虛清淨至德真人是年三月化葬北山之麓碑記其道行也構字肯堂東平人元史有傳時官國史院編修大覺院興修記

至元十七年 今在壺關縣內王村四家池

壺關縣志碑前書本縣前教諭韓仲元撰後列銜有達魯花赤換只縣尹牛天麟主簿兼尉孫璋文左行由後而前次書本村鄭毅書其村名之見於碑者有東歸西歸元村東莊秦莊和磴柴宴北莊柴宴南莊南陽戶朱寶新莊三家下內五嶺南北戈塔地莊東崇賢

隰州劉氏先塋碑

至元十七年 知州劉佐建在州南十里上陽德

壺關縣新塑文廟十哲記

至元十八年 進士王天佑撰監縣換只縣尹牛天麟立石

玉京觀碑

至元十八年 今在芮城縣東北三里

謹案碑已中斷前列鄉貢進士朱缺吉書後有掌教
大師洞明缺祁志誠名舊通志道士薛志熙重修三
洞講經師賜紫金襴清真大師何志淵撰記未詳所
據

垣曲縣興建沿革碑

至元十九年 宋景祥撰今在縣署

詩人元遺山墓碑

至元十九年五月 今在忻州韓巖村

謹案碑爲按察使姜或及副使魏初所立碑陰有記
略云或與初嘗辱先生教誨又嘗聞先生之言某身
死之日不願有碑誌墓頭樹三尺石書曰詩人元遺
山之墓足矣或與初適按部河東得拜墓下因賈石

刻之云云

權憲州知州郭泰墓碑

至元二十年 今在靜樂縣南百三十里康家溝

河清碑

至元二十一年 祕書少監程徐撰今在垣曲縣署

河清歌石刻

至元二十一年 馬世德撰今在垣曲縣洪慶觀

唐河東監軍使張承業碑

至元二十一年 張鼎新撰今在交城縣西南洪相村

謹案文稱莊宗勅葬迄今四百有餘歲在先碑銘已經焚毀再立石刊文以旌遺迹云云則同光之初固嘗奉詔立碑史但言贈官及謚略也

湯王廟重修碑

至元二十一年 今在潞城縣

議案碑爲社長申立牛拱所立文頗簡潔末署里閭
程砥謹述並書

通元先生廟碑

至元二十一年 毛順撰舊在沁州

沁州志廟在漳源鎮西北五里卽漳河之源古稱張仙
公廟又號利濟侯殊應王相傳以爲唐通元先生張果
也至元中郭整修廣平毛順記其事

案記備引唐書但云土人以殊應王

目之不以爲漳源神也

復立解州運司碑

至元二十二年 王大利撰

謹案碑稱解州恃鹽鹺之利世爲名郡故曰鹽寶軍亦曰興寶軍曩者主鹽之官與州有隙遂置司於路村以致閔井蕭條居民鮮少於今五紀前經歷司吳從仕洩任之初首以復遷解州爲便行省允其議州之正倅卽以公廡爲鹽司實至元癸未春二月也考路村立司始於姚行簡在太祖時碑立於至元乙酉幾六十年故云五紀也然至二十九年轉運使自陝移駐河東仍居路村解州立司不及十年也利用據元史本傳時官河東按察使

呂仙詩石刻並記

至元二十二年 今在潞城縣

晉通志靈顯觀在平願鄉孝文村有呂純陽題壁詩道

土牛志信重建觀刻詩於石進士馬之美撰記

太原府左副元帥周獻臣墓表

至元二十三年 王利用撰今在定襄縣南王村

志略獻臣字夢卿金陽曲令周鼎弟仕元官至太原左副元帥權四州都元帥行九原府事中統壬戌卒碑云兄鼎臣字器卿出處大節遺山元丈撰墓表已悉之矣季弟進臣字大卿以兄弟名次而論自當不謬而遺山集則作周鼎字器之顯有不同未詳孰是

家四州卽代縣堅臺也詳見前張安富墓表

汾州麻守記

至元二十四年 韓元弼撰舊在汾州府署

延安兵馬總管袁湘墓碑

至元二十五年 今在臨縣白汶中

舊通志奉議大夫陝西漢中道提刑按察副使姚燧撰
承直郎漢中道巡行勸農副使暢師文書並題額至元
二十五年歲次戊子九月二十九日男昭毅大將軍西
蜀四川道提刑按察使元忠建

案撰書人結銜並與元史本傳合

澤州長官段直墓碑

至元二十七年 今在鳳臺縣

鳳臺縣志段長官碑容城劉靜修先生因撰書東阿李
野齋謙篆額考二公本傳靜修繼王恂教授宮學近侍
子弟尋以母疾辭歸丁內艱二十八年復召爲集賢學
士固辭野齋於二十六年以足疾辭歸二公書文皆係
里居時所作而靜修尤爲元代偉人非漫作諛墓之碑
者讀正卿循良傳與碑銘適相符辭不溢美敬其人因

愛其文與字

牛塘同筆書法似物公儒兼雜入分大書
深刻爽然有生無備者之筆正自不凡

壽陽學記

至元二十七年 元好問撰今存

謹案記略云邑舊有廟學元祐中知縣事張不渝實
更新之既乃廢於貞祐甲戌之兵縣從事李通李天
民者竊有修學之議而病未能也會臺牒下於壬寅
之冬課所在舉上丁釋菜之典乃得借令佐及縣豪
傑諸人經度之蓋三年而後有成云云是文當作於
甲辰遣山自燕京歸時也壽陽縣志碑末有至元歲
在庚寅既冬至望十字蓋是時始刻此碑於學中故
紀其年月案翁方綱所輯年譜引壽陽縣學碑陰記
云壬辰之冬薄游燕趙齊魯間迹益窮文益奇名益

大振每一編出京師爲之紙貴故所至以異人目之
其語專贊遺山未知爲誰所題也縣志不詳俟考

聖惠鎮新學碑

至元二十九年 盧摯撰運使劉紹慶建今在河東商學
陶唐清都萬壽宮事蹟碑

至元二十九年 教諭王庭撰道士孫志元建今在浮山
縣

平陽路儒學教授張著墓碑

至元二十九年 王仲撰今在襄陵縣張相里

談案碑稱戊戌歲設科取士君以詞賦中選適貽溪
麻先生洎前進士兌齋曹先生來主經局君喜而不
寐日而今而後吾學有所正矣遂刮去故習沈潛伊

洛云云戊戌爲太宗十年元史渾源雷腐忻州許楫
皆以是年中選蓋仿金詞賦經義三科取士之路試
儒生也兌齋曹先生名之謙應州人僑居平陽河汾
諸老集稱其講學一以伊洛爲宗據碑則與麻革皆
嘗主平陽經籍所與編集事而史但云召儒士梁陟
充長官王萬慶趙著副之不及二人殆未授官也王
暉本傳至元五年監察御史出爲平陽判官十四年
除翰林待制碑云余官晉府者四年則判平陽在至
元十年矣

案著卒於至元壬辰
碑乃延祐四年所立

玉皇行宮碑

至元三十一年 今在澤州府

鳳臺縣志國史院編修宋景祁撰文前晉城令張大亨

篆書文俱陋劣記稱木東劉元帥福木西景元帥遇蓋
本木華黎下潞澤時與段長官直申鎮撫甫同時所劄
授也後列于戶尹彥忠晉城縣主簿韓昌祖晉城縣尹
兼晉城縣達魯花赤忽都志無其名張大亨志亦不載
考通志府縣志有高平宋景初以教授任晉城令仕至
國史院編修初應作祁以碑記爲正諸志皆誤

復立鄉甯縣治碑

至元三十二年 縣尹宋景祁撰今在縣署

謹案碑稱至元三年有司閱賞郡國戶口之數以多
兼少汰其曠穴由是縣歸於吉十三年坊郭白珪等
六十四人赴府陳告請依例復立連年申告至二十
四年本縣巡檢孫亨聚議令杜房張禔齋圖畫文字

赴愬於尙書省二十五年二月奉聖旨允從時縣人
費國寶與弟用之爲曹掾精構之功居多焉據文景
祁以二十八年涖縣文卽成於其時後五年始立石
也碑書達魯花赤作達魯噶齊與元史國語解頗合
惜石已剝落不能讀矣

潞城王氏遷葬碑

至元中 韓仲元撰壺關主簿王良弼立今在潞城縣合
室村

集賢學士宋超碑

至元中 翰林學士程鉅夫撰今在平定州樂平鄉西

堅州都元帥劉會墓碑

至元中 今在繁峙縣宋峪村

繁峙縣志碑首闕五十餘字其標題及撰書人銜名並磨滅惟存學正王子成書篆五字據前志知爲劉會碑也銘詞十一韻中闕十餘字前志既據碑文爲立傳而載銘詞於藝文以意補綴點竄增爲十三韻又直以撰文者爲王子成亦不合也

贈中書右丞追封潞國公鄭鼎墓碑

至元中 學士王磐撰今在陽城縣屯城村

保甯寺碑

至元中 閻復撰今在聞喜縣東鎮

道士姜善信碑

至元中 舊在河津縣禹門

河津縣志姜真人碑世祖御製蒙古字今廢

鎮西帥史遷墓碑

至元中 今在河津縣北干澗

謹案碑爲宣授平陽路提舉學校事段成己撰宣授奉訓大夫戶部郎中段輔書輔成己之從孫後仕至吏部侍郎成己未仕元而碑書所授官蓋立石時成己已卒輔所爲也

郝真人碑

至元中 翰林學士姚樞撰八分書舊在平遙縣清虛觀安樂會詞石刻

至元中 冷思賢書今在平遙縣清虛觀

黎城縣宣聖廟碑

元貞元年 進士權秉中撰監縣也孫承立

昊天觀全真菴碑

元貞元年 宋德芳撰今在太原縣龍山上

介休縣新文廟碑

元貞元年 冷思賢撰今存

謹案碑爲縣尹田澤主簿君王益所立據記今學實
平遙梁天翔故宅至元中天翔官是縣始作大成殿
又改所居爲講肄之堂也

復立武鄉縣碑

元貞二年 李義撰今在縣治

謹案碑稱至元三年丙寅敕諸縣邑編戶不滿千數
者併省之時本縣纔七百例罷併治於銅鞮三十年
州吏李浩縣吏石贊等言今縣戶已及千餘可告復

立陳狀再四官覈其實元貞二年奉勅復立與鄉甯
縣事體相同而文較詳明其稱石趙置武鄉後魏太
和十五年自古涅城徙於南亭川語本寰宇記未爲
詳數辨見府州廳縣考

五龍廟碑

元貞二年 楊仁風撰今在長治縣五龍山

長治縣志碑前書上黨縣主簿兼尉杜堯佐書丹潞州
學正程世文篆額後書元貞二年九月二十日中奉大
夫前遼陽等處行尙書省參知政事楊仁風記後列銜
有平陽路潞州判官梁元利奉訓大夫平陽路潞州知
州侯吳昭信校尉平陽路潞州遼魯花赤小農失仁風
襄垣人金同知沁南軍節度闕子也元史附名宋衡傳

后土祠碑

元貞二年 今在鄉甯縣城內

大甯縣廟學碑

大德元年 續執中撰縣尹侯俱立

賈仙媪碑

大德元年 郝季隆撰今在大甯縣馬關關

謹案碑稱宋時有曹氏媪攜幼女持鐵杖渡河後化於東岸之石龕里人爲像祀之關吏孫貴新爲作記

芮王廟碑

大德元年七月 何南卿撰今在芮城縣西十五里

謹案碑稱芮伯爲周世卿伯而稱王端拱明昌二碑皆謂本之古史又言宋端拱歲詔毀天下淫祠此廟

不廢云云今宋金石刻俱已久佚

崔府君廟碑

有陰

大德元年十二月 楊仁風撰今在長治縣

長治縣志碑題重修齊聖廣佑王廟記中奉大夫前遼陽等處行省尙書參知政事楊仁風撰中翊校尉管軍中副千戶楊思明郭溫武立張福王琮晉臣王仲楊缺常進等立石碑陰爲官吏題名凡潞州及上黨壺關二縣官吏七十餘人有酒稅賭務承盤庫行用庫鐵冶提領庫部長官織染局打捕鷹房管軍千戶百戶等職名長子縣學田碑

大德三年 縣尹閻震撰見縣志碑目

完顏氏先塋碑

大德三年 今在襄陵縣

謹案碑爲太原教授宗瀚元撰嘉議大夫河東山西
道肅政廉訪使王忱立蓋忱之母完顏夫人爲其父
玉世修塋所記也記稱玉世當金季立戰功佩金符
爲萬夫長卒無子一女卽夫人也適趙州定遠大將
軍慶源節度使王公生四子忱爲其季乃承母訓刊
刻貞石表外家之先塋以昭永世云

杜氏孝感泉記

大德三年 郝天挺撰今在平遙縣范洛村

謹案記泉出西汾村里杜氏先塋之側得名由今四
川行省左丞之母沁帥便宜夫人王氏之所指而鑿
里土脈鹹苦夫人相地出井獨甘云沁帥者杜豐也

詳見前碑

虞鄉尹田世英墓碑

大德三年 蘇州路總管趙資公撰今在永濟縣文學村
謹案世英金進士爲縣令在金末碑題曰尹未審也

鹽池廟勅封碑

大德三年 今在運城南門外

鹽法志石刻勅二道惠康王加號廣濟惠康王資寶王
加號永澤資寶王

荀息廟碑銘

大德三年 今在鄉甯縣柏山

天井關孔子廟

大德四年 教授劉德盛撰今在鳳臺縣南

弔恆山公詩石刻

大德四年 今在鳳臺縣天井關文廟

鳳臺縣志恆山公武仙也爲金末名將河北九公之一
死於此關臨漳主簿李孝純題七律其子州學正熾重
刻於大德庚子考金史仙爲留守元帥封恆山公九府
財賦兵強甲於河北降元己六年徒以與史天倪有隙
復殺天倪歸金反覆無常哀宗末擁兵十萬爲自固計
屢檄勸王置國難於不恤又妄殺忠臣盧芝石玠遂至
進退失據從數人渡河北至澤州爲戍兵所殺孝純以
詩哀之過矣

武略將軍孟州知州劉義碑

大德四年 今在邈州南莊村

謹案碑爲國子監司業授奉政大夫同知衛州路總
管府事王構撰忠顯校尉遼州軍資庫都監耶律質
書遼州知州張厚題額碑前標目爲大元武略將軍
遼州知州劉公神道碑文稱其父思金時從晉陽公
郭文振爲同知元帥府事金亡歸元拜遼州軍民長
官義襲父職至甲子遷知絳州又知孟州九年移臨
州孟人詣闕上書保乞再任故十五年復來於孟明
年疾終於官標目不書孟州而書遼州殊乖事實構
文簡潔有法當不至此蓋其子孫以居遼州遂改題
也額用蒙古字首行作蒙中行作遼
末行作遼不可識所記地名葬甘露鄉桐谷
里駿馬原權厝遼西南馮婆谷又稱晉陽公嘗開闢

於遼之國石砦皆可補志乘之遺

襄垣縣文廟碑

大德四年 楊仁風撰監縣忽覩縣尹苑大亨立石

金翰林知制誥元好問墓銘

大德四年 郝經撰今在忻州韓巖村

汪守直重修遺山先生墓記墓左一碑剝甚卽郝氏伯常所撰墓銘稱先生以丁巳歲卒爲蒙古憲宗七年計金亡已廿四年而碑之立在成宗大德四年爲先生子拊知汝州時所建蓋上距先生之歿又四十四年矣

應潤廟祈雨靈應碑

大德六年 今在平遙縣超山

平遙縣志教諭武亮撰鄉貢進士常茂書記大德四年

夏達魯花赤完顏大帖木兒超山祈雨事

潞州學斯文樓記

有陰

大德七年 楊仁風撰今在潞安府學

長治縣志 歿武校尉潞州上黨縣達魯花赤伯顏立石
保義校尉潞州判官邵頌書碑陰備列所藏官書目計
一萬一千五百餘卷半出郡人捐送亦盛事也內如雷
氏易祖庭記聖政要括宋寶錄輿地類考五朝言行錄
唐三百家詩皆今世失傳之本

榆社縣文廟碑

大德七年 邑人呼廷伯起撰監縣不花建進士賈師敬

呂良立石

昭勇大將軍謝天吉神道碑銘

大德七年 麻革撰今在臨晉縣北三十里東莊村

謹案碑爲中統時撰至是年始立者

霍州公宇記

大德九年 學正王士禎撰今在州署

霍州志大德七年八月六日地震官舍蕩圮監州乞解
不花知州李伯淵同知不思仁州判趙拜要歹議營建
俾所隸三縣分集其事是年落成監州失刺不花立石
潞城縣文廟碑

大德九年 楊仁風撰監縣塔刻海縣尹王良建今存

襄陵縣文廟碑

大德十年 續執中撰監縣脫兒察縣尹柳豐立石

謹案大德癸卯後各碑並記河東地震事嗣是太原

路改爲冀甯平陽路改爲晉甯矣

江淮都轉運使周惠先塋碑

大德十年 今在隰州城南原

志略宋政和周韓均令隰川因家焉至曾孫惠徙真定惠子諧僉浙江行省事展謁先塋立石識之

加封孔子詔碑

大德十一年 今在夏縣文廟

志略文廟內兩階二碑西碑刻加封孔子制詞東碑刻先聖父母並宋賢周程朱制詞

謹案制詞爲翰林學士閔復撰見元文類碑所在學宮多有存者而多爲大德後補刻其先聖父母及宋儒制詞則鮮有並摹者矣錄此以例其餘

潞州重修文廟碑

大德十一年 今在潞安府學

長治縣志碑中有圓鑿俗傳中藏寶珠一士人朝夕摩
玩竟取去視其鑿痕紆曲旁下大僅容拳或然荆山之
璞卞和識之古今事未嘗無儷

定襄縣文廟碑

大德十一年七月 代州進士崔允撰縣尹趙德溫立

岢嵐山大帝廟碑

大德十一年 今在鄉甯縣西南七十里

鄉甯縣志碑爲縣尹霍璋撰副使郭從禮書字迹類顏
魯公

聖阜祠碑

大德十一年 李治撰今在定襄縣

謹案仁卿嘗居銅川文當成於其時是年始追刻

通州知州段紹隆碣銘

大德十一年 今在鳳臺縣

鳳臺縣志清苑郭文憲撰清河陳文忠顯書史稱郭
質博學精篆籀當世册寶碑額多出其手據碑序云紹
隆卒於元貞元年乙未後十二年大德丁未質時值翰
林方被命使遼海質本傳八年進翰林直學士與遼陽
行省平章別速合徵里帖木耳往鎮高麗十一年召爲
河東廉訪副使八年係大德甲辰十一年則丁未也與
碑不合又陳文忠本傳仁宗皇帝元年以定難功授集
賢大學士榮祿大夫成宗大德四五年間正隨仁宗出

居懷孟時也不應預書官階或者碑係後人重立否則
史之誤也

梁甫廟山門記

大德十一年 劉德盛撰賀宗儒書今在鳳臺縣

天井關文廟本息碑

大德十一年 今在鳳臺縣

鳳臺縣志碑二一爲教授劉德盛撰書一爲教授徐亮
撰鄉進士馬嗣融書記中大意均稱州牧王伯福增修
廟庭餘中款鈔二百餘緡生息以備祭祀嗣後無斐二
守繼次指畫爲繼久計其云大德丁未成宗十一年其
云至順辛未文宗二年也文字俱惡劣

司馬溫公祠碑

大德中 侯均撰今在夏縣學宮東

謹案撰文之侯均興元人元史附見蕭勣傳

陽城縣尹李裕德政碑

大德中 進士張明撰見志略

嵐縣宣聖廟碑

至大元年九月 前奉御王居實撰

參政裴居敬墓碑

至大元年 蕭勣撰今在永濟縣

志略碑云葬河東陶邑鄉文學兆次在城東北十五里按

蕭勣陝西奉元人初爲府吏引退力學三十年不求仕進

武宗時徵拜太子左右諭德卒諡貞敏

天眞觀碑

至大三年 段天章撰今在稷山縣

烏政管神廟碑

至大三年 今在鳳臺縣

鳳臺縣志絳州儒學教授劉德盛撰陽城教諭賀宗儒
書丹字法似趙承旨而文甚鄙俚按邑分四管領各鄉
村據唐碑記邑有柴澣等管名目其來已久矣

萬戶孔錦山墓碑

至大中 蕭剡撰今在絳州西南十五里

崇壽寺碑

皇慶元年 今在鳳臺縣

鳳臺縣志逸人蘇殷撰進士常毅篆張翼書後列帝師
堂下都僧錄智鑑圖明大師五十七字官銜考元時崇

尙釋氏帝師尤爲尊貴皇慶時蘭納識里爲帝師通三藏及諸國語授光祿大夫開府儀同三司仍賜三臺銀印兼領功德使司事至順二年賜玉印加號普覺圓明廣照宏辨三藏國師尋以謀反伏誅記云帝師堂下不過帝師弟子而官階猶赫奕若此則當年帝師之尊至於藏奸匿盜諸多不法害莫可言番僧世嗣與元運相終始

五龍廟詩碣

皇慶元年 今在長治縣

長治縣志石刻二種一爲光祿大夫秦國公翰林學士承旨知制誥兼修國史中書平章政事李孟七律陝西儒學副提舉張瀆序並行書後有通議大夫晉寧路總

管完顏德輝和詩一爲金明昌李文簡晏題詩七絕其
四世孫晉城縣尹以至大庚戌過上黨得之壁間於皇
慶元年三月補刻者郡人賈志道書

王氏世德碑銘

皇慶元年 今在繁峙縣

繁峙縣志碑額篆王氏世德之碑六字前書太原路儒
學學正劉敬立撰承務郎同知堅州許天麟書承務郎
祕缺監楊桓篆後書皇慶元年八月日孫男承事耶

芮城縣尹兼管本縣諸軍奧魯勸農事王仲祥下乃仲

祥爲其祖昭武將軍堅州左副元帥王兆所立者碑云

辛亥議吏定官判郡武職多見易置辛亥爲蒙古憲宗
元年時世祖以皇太弟領治漢軍民戶更新庶政也

青山廟碑

皇慶元年 今在汾西縣西

謹案青山寰宇記卽姑射山也碑爲隰州學正孫文通撰略云山之麓石門闕名曰真人山之巔古廟存焉榜曰真人祠皆爲姑射真人而立不言真人何名也又稱始事之年僅見於金朝棟志宋年石刻棟志宜久亡未知石刻尙存否也

靈澤王廟碑

皇慶元年 今在壺關縣北關

壺關縣志廟祀李衛公靖碑爲前安豐路陰陽學教授王天利撰直學馬之美啓

眞常宮碑

皇慶二年 今在芮城縣柴村

芮城縣志真常宮舊名澤清觀元改今名住持提點崇
真大師楊至德道人王演華重修邑人蕭我記

奉聖寺碑

皇慶二年 王居實撰今在太原縣

謹案今碑尙完好惟泐撰書人銜名僅存朝列大夫
太原路中順大夫晉甯路總管及奧魯勸農事等字

雷公廟碑

皇慶二年 卓鶴書今在大同縣雷公山

謹案碑稱金李欽止嘗作記鏤於壁廟額曰潤濟莫
別封於何年

傅巖廟碑

延祐元年 今在芮城縣聖人殿

志略主簿續執中撰蓬魯花赤福童書後列前蓬魯花赤
朵兒眞官縣尹劉珪縣尉高忠直文左行

長春觀碑

延祐元年 學士陳儼撰今在太原縣城角村

靈源公廟碑

延祐元年十月 今在平定州嘉山

志略編修韓粹中撰文略云靈源公或稱爲晉公族三家
滅智伯剖封晉國公憤宗社之亡奔走抑鬱客死廣陽之
嘉山後人立祠祀之宋宣和中大守張頴請加封行祠有
碑太德甲辰奉直大夫楊公知是州重修其廟刻石記之

武安王廟碑

延祐元年 宋超撰今在樂平鄉

鹽池廟碑銘

延祐元年 王緯撰今在運城鹽池內

志略翰林學士王緯奉勅撰文中稱解鹽之利歲入以緡計者二十萬皇慶二年前都轉運使阿失鐵木兒相故廟西墻下締正殿落成之日遷神新廟葺舊廟祀成寶公
征行都元帥五路萬戶梁瑛墓碑

延祐元年九月 今在平遙縣梁官村

平遙縣志嘉議大夫御史中丞魏初撰集賢侍讀學士奉議大夫李偶書中奉大夫中書省參知政事杜思敬篆額字盤端楷妍古篤似褚河南

御史中丞追封平陽郡公徐毅墓碑

延祐元年 翰林學士黃潛撰今在趙城縣石明村

謹案毅字伯宏嘗從許衡授學州志誤以碑爲魯齋

撰文

四川道肅政廉訪使梁天翔墓碑

延祐二年七月 今在平遙縣梁官村

平遙縣志奉政大夫監察御史臺郡李源道撰集賢學士資政大夫吳興趙孟頫書中奉大夫知制誥兼修國史清河元明善篆額松雪書本姿媚此碑則清勁而爽雅復以骨勝歷數百年竟無人知者因葺邑志始考得焉劉孝廉岫親至墓下剝洗竟日命工搨之人從是務傳墨本以爲希世奇寶

按天翔萬戶瑛之次子也李源道當作元道元明善元史有傳

榆次縣尹張儉道愛碑

延祐二年 潘昂霄撰今存

謹案儉字肅卿大同人嘗爲秀容主簿

聖王廟碑

延祐二年 今在鳳臺縣

鳳臺縣志碑後書國朝狀元鶴鳴李俊民撰書篆俊民
爲金狀元不應於元延祐書國朝且並未仕元記云備
員竊祿更爲支離借名廣託無疑

景福院碑

延祐三年 今在開喜縣川口村白蓮寺

開喜縣志碑爲平章察罕撰自署白雲老人

昭濟聖母廟碑

延祐四年 呂思誠撰今在平定州

謹案昭濟聖母晉祠神也碑稱州北六七里郝家港
有行祠宋之碑刻金之梁記尙在祠下今皆無存

清涼院碑

延祐四年 今在壺關縣清涼山

壺關縣志碑前書清涼山重修廬舍那係記閻川鄉陳
野民述

成湯廟碑

延祐四年 王演撰今在陽城縣析城山

贈學田碑

延祐五年三月 提舉張思敬撰今在襄陵縣學

謹案學田爲縣尉劉盎及邑人賈氏所置備記碑陰
襄陵牛氏墓碑

延祐五年 李孟撰趙孟頫書今在東柴村

謹案碑爲雲南行省參政牛光祖所立光祖時官中都留守司乞文於李平章而松雪爲之書

虞鄉孫氏世系官爵碑銘

延祐五年十月 劉致撰趙孟頫書今在南郭村

謹案銘刻宋端州刺史孫繼鄴碑陰大德七年地震碑圯繼鄴十世孫履道時爲道士賜虛白逸真人號重刻孫抃文而別爲序銘求松雪書之

廣慈寺碑

延祐六年十月 今在壺關縣烏泉山

壺關縣志碑標目曰重修廣慈寺緣起之說自來金石無其稱例文前署壺關縣前教諭解南韓仲元撰本縣

進士西保村郝秉成述本縣司吏王元亨篆額本寺僧
仁洪仁澄書丹按唐龍華寺宰塔坡塔銘題布衣高塘
述述卽撰也此碑末云余以鄉曲之故勉爲撰實而書
其事則文質出於郝秉成而前文題曰韓仲元撰其書
丹亦題僧仁洪仁澄二名種種乖謬當由繙流無知妄
爲文後列壺關縣尉典史縣尹達魯花赤諸名每行下
分列沙門僧名末行工匠多冠以村名有百佛園馮坡
郭堡黃山諸村

靈貺王廟碑

延祐六年 王天佑撰今在長子縣

溫公祠堂碑

延祐六年 祭酒李穉賓撰今在夏縣

明威將軍吉州路達魯花赤杜思明墓表

延祐六年 弟思敬撰今在平遙縣范洛村

聞喜縣宣聖廟碑

延祐七年 見縣志碑目

金仙寺裕公和尚道行碑

延祐七年 趙孟頫撰並書

翼城縣志松雪書此碑筆法道勁毫無委媚之態在松雪帖中另是一番風格蓋原搨也以翼在鄙壤故知者絕少

豐州平治甸城山谷道路碑

延祐七年 李文煥撰知州張鑄立今在歸化城都統署
謹案碑稱郡北一舍有環繞之山名曰祁連中有捷

徑故道甸城山谷比之銀甕迢遞漁陽險阻近爭一倍抵天平七十餘里以大青山爲祁連山沿當時淨州天山縣所在因縣名遂以漢書傳合耳所云甸城天平漁陽銀甕今皆不可考惟漁陽嶺名見於遼史
天祚帝記

孟州文廟碑

至治三年四月 虞集撰判官塔海知州張思義立今在

孟縣

涑水書院碑

至治三年 王綽撰今在夏縣

宗說寺碑

至治中 今在河曲縣南翠峰山

藏山神廟碑

至治中 呂思誠撰今在孟縣

志略史記所載屠岸事多與左傳相背殆莫須有事故呂
丞此碑多著疑辭

米山宣聖廟碑

泰定元年 今在高平縣東十里

高平縣志主簿郭質建淮西道廉訪使邑人宋翼書

興雲橋碑

泰定二年 虞集撰舊在大同府城東

謹案伯生文稱金天會中字文虛中有記大定壬寅
邊元忠有記今橋久圯碑刻無存

成湯東廟碑

秦定元年 宋翼撰今在陽城縣析城山

段干木祠堂記

秦定三年 段禧撰今在芮城縣段邨村

謹案碑稱上段村有祠至元之末縣教諭張偉子奇
文以記之今無考

申甫墓碑

秦定三年 劉德盛撰今在鳳臺縣

鳳臺縣志德盛文多俚俗此頗通適記稱甫於至元辛
未卒元貞元年葬五門鄉是年刻石

段氏世德碑銘

秦定四年 虞集撰侍郎段輔立石今在稷山縣平隴村

渾源重修廟學碑

秦定中 韓國理撰今在州學

慕容廟碑

致和元年 今在壺關縣南城頭村

壺關縣志廟祀西燕慕容永碑標目云晉甯路壺關縣
紫園鄉北城頭村初修慕容廟記前署鄉貢進士百尺

李晦克明撰文並書後書大元致和元年歲次戊辰入

月初四日立石

按是年九月太子阿速吉入改元天順未踰月文宗立又改天歷

五龍廟禱雨感應碑

天歷二年六月 今在長治縣

長治縣志上黨縣儒學教諭李缺章撰縣尉張惟甫篆

額鄉貢進士籍敬晉潞州判官冉大年同知潞州完顏

儀潞州達魯花赤知州兼管本州諸軍奧魯勸農事蔚

忽立石

警背亭記

天曆三年 今在壺關縣

壺關縣志亭爲縣尉平定呂之屏所建碑後書大元國
天曆三年歲次庚午春三月壬子朔龍溪東堊僅菴陰
陽教授王天利記將仕郎南陽府舞陽縣主簿張德鄰
並房廡社長者老人等同立石

按是年五月
改元至順

徽蓋山玉皇廟碑

至順二年 潘迪撰今在長子縣

趙忠簡公祠堂碑

至順三年 歐陽元撰今在聞喜縣

謹案記稱至順二年春公之六世孫國子助授貧翁

請卽解之聞喜縣學爲公祠集賢是其議中書禮部
告晉甯路以符徵其同年歐陽元記之云云貧翁忠
簡裔孫之在江南者延祐二年進士志失其名

高平學田碑

至順三年 邑人元凱撰今在縣學

五龍廟碑

至順三年 今在長治縣五龍山

長治縣志碑書會應五龍王感應之記晉甯路潞州儒
學正曹大素撰並篆額後列奉訓大夫潞州達魯花赤
李羅帖木兒奉議大夫潞州知州溫珪輔承事郎同知
潞州劉深從事郎潞州判官田忠信

松嶺寺詩碣

至順三年五月 今在鳳臺縣

鳳臺縣志石刻五古一首前列小記厥次劉復亨所作
稱延祐庚申爲澤倅辛酉春釋奠天井關文廟就便登
此寺有作年月後又有鄉士徐亮小記考復亨字寔初
以延祐中明經甲科授州同知詩作於延祐三年甲辰
按是年爲丙辰
當云六年辛酉刻於文宗壬申也
松嶺寺善法堂記

至順三年七月 今在鳳臺縣

鳳臺縣志晉甯路推官劉復亨撰濮州教授張鉉書篆
蓋復亨題詩法輪寺同時作也

河南江北行省參政贈平陽郡公姚天福墓碑

至順三年五月 虞集撰並書今在稷山縣路村

謹案碑文約四千餘言書法亦繇密茂美爲元碑之
至佳者戈青侯云姚爲柯九思之婦翁立石時丹邱
當復周旋其間其刻工至遠致四明茅紹之是以盡
善碑額兩面篆書數十字尤工惜石過高每失拓也
大都路總管兼大興府尹姚天福墓表

至順三年 李尤魯珮撰虞集書今在稷山縣南陽村

謹案前碑題所贈官此其所歷官也子暈文見元文
類南陽乃其故里祖父墓所在故亦建碑而道園爲

再書也

據縣志二碑並在路村元統二年立而縣人或傳述若此

伯王廟碑

至順四年 今在聞喜縣趙村

鹽池廟勅賜御香瑞鹽碑

至順四年 集賢院修撰篤列圖撰今在選城

廣禪侯廟碑

至順四年 今在壺關縣四家池

壺關縣志碑標目云維大元國晉甯路潞州壺關縣三老鄉內王村新修廣禪侯廟記下署鄉貢進士元維一

撰按潞城有廣禪山此云廣禪侯未詳所自而祀爲牛

王事涉不經文亦鄙俚錄以存古不因鄉曲委巷之言

而擯之也按碑後書歲在癸酉至順季秋哉生明越翌日記爲癸酉九月四日至十月順帝立政元

元統癸酉年歲於歲陽下以冠月日古亦無此例

撫州路總管張仲儀墓碣銘

至順中 今在絳州城北五里

謹案仲儀字伯威由翰林出爲浙江總管判官歷江

西行省銘則潛溪壯歲里居時所作也

贈奉議大夫冀甯路治中殷珍墓碑

元統元年十月 歐陽元撰揭傒斯書張起巖篆額今在
繁峙縣東莊村

繁峙縣志碑爲順帝癸酉珍子朝列大夫同僉中政院
事仲溫所立是年圭齋拜翰林直學士而結銜仍書藝
文少監蓋文成於至順時元統初始上石也石甚精緻
光瑩如鑑曼碩書亦遒勁可觀剝泐者僅二十餘字耳
雙節祠碑

元統二年 孔思適撰舊在蒲州府

蒲州府志祠祀達魯花赤八札海牙知河中府靳克忠
天曆初死秦兵之難者

贈亞中大夫衛輝路總管趙國寶墓碑

元統二年 今在沁州東山村

志略直學士薛友諒撰國寶副元帥趙全子歷官陝州知州以至元二十四年卒

讀書堂記

元統三年 歐陽應丙撰段輔建今在稷山縣小甯村

虎亭鎮先聖廟碑

後至元二年 鄉貢進士張碧撰今在襄垣縣西九十里觀音堂慈蹟感應記

後至元二年 今在鳳臺縣青蓮寺

鳳臺縣志鄉士賀祿撰書文字惡劣至元紀年有二一為蒙古世祖一為順帝碑稱大元自屬順帝丙子

重修法藏記

後至元二年 賀祿撰今在鳳臺縣青蓮寺

鳳臺縣志青蓮寺藏經閣也記稱僧通微造方匣七百
藏經五千餘卷今所藏經有貝葉梵字經一卷

清風亭記

後至元二年 今在陽城縣

舊通志亭在東關青陽坊下有玉泉元丞相脫脫子禿
必仄建進士元凱撰記

襄垣縣達魯花赤倒刺沙政績碑

後至元三年 張碧撰

洞霞觀碑

後至元三年 張希良撰今在聞喜縣張家峪

謹案觀爲搭察爾曾孫伯里閑不華所建乃捨其別

第爲之者

追封隴西郡侯李朝列碑銘

後至元三年 男禮部尙書廷實撰今在陵川楸樹窠

興和路副脫脫禾孫李英孝思碑

後至元四年 李廷宣撰張起巖書今在大同縣東大旺村

大同縣續志舊志及府志均載爲脫脫丞相墓碑或因

脫脫禾孫字諤傳歟元史百官志各處脫脫禾孫掌辨

使臣奸僞正一員從五品副一員正七品按撰書之李廷宣張起巖

元史均有傳碑爲李英運宏州知州道贈其父仲璋而

立兩標目仍書英故官贊以孝思字殊乖體例石刻甚

佳歷數百年先望如鑑久誤爲脫脫丞相府志以

丞相不當葬此應斷爲康里脫脫亦失之

孝子靳曷碑

後至元四年 揭傒斯撰今在曲沃縣

沁源縣尹張璘去思碑

後至元五年 教諭韓子達撰

蘇濟夫人廟碑

後至元五年 今在和順縣合山

謹案碑爲沁州學正馮雲撰和順縣達魯花赤阿都氏書碑云夫人樞姑氏與弟顯澤侯並著靈顯每有早暎四國望禱爵秩祝號錫自宋朝

良才山慈雲院碑

後至元五年 今在潞城縣

潞城縣志碑題良才山大慈雲院普濟大師照公功行

碑前河東進士第一高平元凱撰本院尊宿誦經律論
通辨妙嚴大師賜紫沙門海顯書並篆額碑稱宋大觀
己丑間寺號慈雲其仙師靈蹟龍祠感應備見於政和
間申總塔記有石存焉今寺中無復宋刻

絳州知州彭仲德遺愛碑

後至元六年 知州宋克篤撰

謹案文稱御史劉尙質已爲去思碑今未見

元帥段大亨墓碑

後至元六年 王沂撰今在永濟縣孫村

贈河東公傅傑墓碑

後至元六年 歐陽元撰今在汾西縣城一里

陽城縣尹闕世傑德政碑

後至元中 縣人衛元凱撰

八撒兒德政碑

後至元中 張希良撰今在聞喜縣東鎮

謹案碑爲伯里閣不華立八撒兒者萬戶府名語解作巴咱爾伯里爲雲中公塔察兒曾孫以世職居東鎮者也

榆社縣尹李俱德政碑

後至元中 翰林學士王國賓撰今在東嶽廟

梁令祠碑

至正元年 張載真撰知州李榮祖立今在絳州鼓堆村

湯王廟碑

至正元年 今在聞喜縣東關

疑真觀碑

至正元年 今在閩喜縣梨園村

崔府君廟碑

至正元年 揭傒斯撰今在平定州長樂坊

志略至正初同知州事保保禱雨有應爲修其廟而曼碩

撰記按記稱府君者邠州鼓城人父母禱於北岳而生唐

陽叟奕龍見黃衣人執符言曰上帝命以玉珪玉帶冠衣

召赴五岳衛兵百餘人拜舉蕭韶之樂又取白馬至府

君命二子取紙筆曰吾將去矣遂書白字以遊世傳以爲

白字碑安祿山叛上夢府君見曰駕勿別往安祿山必滅

矣駕還關中封顯神護國嘉應侯武宗時天下大水禱之

即止封護國威應公真宗時封護國真濟王今因求記故

重修崔府君廟碑

至正元年 今在和順縣溫泉里

謹案碑署前榆村張從道筆梅陽南洞川李大亨撰
沙門僧童從錦書筆字石本明煥當是篆之譌

成湯廟碑

至正二年 今在長子縣

德風亭二碑

至正二年 今在潞安府署

謙案亭爲唐明皇爲潞州別駕時故居久圯至正辛
巳張瞻甫來知潞州始重建爲游譙地有陳中立記
又亭落成之日其地出甘泉名曰玉露王好古別爲
文記之所云張侯瞻甫張莖仙佈化也

昭覺寺碑

至正二年 今在潞安府

謹案碑後著特授光祿大夫大司徒釋源宗主

字二

之門本院講經論沙門崇肇宣文大師韓溪文謹記
所缺二字疑爲帝師蓋繼流之依草附木者自夸大
也文甚支冗中有云基址猶存龜趺仍貞觀之創虞
世南顏師古褚遂良許敬宗等爲碑銘以紀功業今
觀殘破云云蓋唐碑已亡不能指爲誰撰書矣

麟山宣聖廟碑

至正二年 國子助教陳輝曾撰今在沁州康公聚

源池廟學碑

至正三年 呂思誠撰今在榆次縣北五里

明道先生祠記

至正三年 今在鳳臺縣

鳳臺縣志碑前列戶部主事高平賈友恆魯撰文文稱
泰定間始剏爲祠至正三年改建文簡潔有體考公本
傳以丞相東曹掾擢戶部主事未上一日覺心悸得父
書辭歸文蓋其家居時作也記又列知州南鵬翼書丹
書法絕佳史稱魯書取裁於晉而氣骨蒼穩疑碑爲魯
書

嘉澤顯濟王廟碑

至正三年 翰林學士岳玉撰今在沁州西伏牛山

集真觀碑

至正三年 今在鳳臺縣曲河村

鳳臺縣志晉城縣尹許德基立書撰俱不工記稱道士
唐純素繼張崇真俱登真悟記中只稱大張而不及小

張或以小張爲外籍故略之

觀稼軒記

至正三年八月 李庭遁撰今在長治縣五龍山

長治縣志碑題有元潞州知州張公創建觀稼軒記下列上黨縣儒學教諭齊學書從事上黨縣尹靳居仁篆額文後列潞州吏目郝恕上黨縣達魯花赤欲訥思敦武校尉潞州判官王景顏奉議大夫潞州知州張堃仙佈化武德將軍潞州達魯花赤沙的

五龍山龍淵碑銘

至正三年九月 今在長治縣

長治縣志碑題有元潞州知州張奉議鑿龍淵銘序下列敦武校尉潞州判官王景顏書潞州同知周泰撰達

魯花赤伯帖木兒字元臣篆序云龍淵者五龍山新井
之名也末云侯太原人名荃仙佈化諱景巖字瞻甫前
迎士東平周泰爲之銘張有名有諱周文序銘各別署
銜皆不可解

會應王廟記

至正三年九月 今在長治縣五龍山

長治縣志碑題有元潞州知州張公重修會應王廟記
下列前河東貢元高平元凱撰徵事郎襄垣縣尹閻仲
榮篆額奉議大夫沁州知州韓鵬書丹碑後列銜與觀
稼軒同

杜懷玉墓誌銘

至正四年五月 平晉尹任暉明撰今在榆次縣中社村

南見志略

九泉寺碑

至正四年 今在鳳臺縣

鳳臺縣志進士裴士儀撰進士元權書記稱後漢永平
時建寺至太和五載重修歷後唐清泰二年續建寫一
藏經後周顯德六年復修今寺中祇有五代漢二石幢
並無漢唐舊碣

潞州學田碑

至正四年五月 今在潞安府學

長治縣志集賢學士朱渤撰并行書蓋書於世祖至元
之季至順帝時始刻石也文稱至元二十八年藩王小
薛得分牧地上黨學田在牧界內王下教以畀州學正

程世文知州文登人劉傑又取柳林里田益之世文蓋
與渤同爲長子人藩王小薛文不詳其封號俟考

禹王廟碑

至正四年 歐陽元撰今在夏縣

通利渠重修碑

至正四年 張惟善撰舊在定襄縣

昭毅大將軍雲中郡公謚襄懋忽神墓碑

至正五年 李朮魯神撰陳灝書今在聞喜縣東鎮

謹案忽神塔察兒之氏元史作許兀慎又作旭申墓
在東鎮西峪舊志書爲雲中侯茂忽神誤墓疑卽其
曾孫伯里問不花也辨詳古蹟

彰德路總管追封太原郡侯郭公墓碑

至正五年 時中齊書曾孫鐸立石今在洪洞縣

五龍神像碑

至正五年三月 今在長治縣

長治縣志碑題潞州知州張奉議新堞五龍神像記
列從仕郎前上黨縣尹靳居仁書徵仕郎上黨縣尹李
可行題前河南行省鄉貢蒙古解元全全議碑稱宋熙
甯三年五月旱開國公劉渙刺潞州禱雨於祠始堞五
方龍像於正殿之後堂大觀戊子八月霖雨害稼河東
轉運判官王桓祈晴捷應乃以狀聞勅賜曰會應王五
龍亦錫號東方曰廣仁南方曰喜澤西方曰義濟北方
曰靈澤中方曰孚惠所記視前碑爲詳張以祈雨報祀
重新其廟前後鑄四碑大書深刻其好名亦甚矣

昭惠靈顯王唐衛公廟碑

至正六年十月 李幹臣撰今在定襄縣城北

嘉議大夫贈禮部尚書河東郡侯呂沈墓碑

至正六年 今在汾陽縣洪哲里

志略呂簡肅公神道碑翰林學士虞集撰按王弇州云道
園先生正書八分俱入能品在當時可甲乙峻趙其文字
尤雅淨可誦

蒲縣主簿李良遺愛碑

至正六年 鄉貢進士尹思睿撰

姜嫄祠碑

至正七年 舊在絳縣南存雲橫文見舊通志

長真觀碑

至正七年 太原教授張欽撰今在榆次縣西

英濟侯廟碑

至正八年 今在陽曲縣烈石口

志略至正中駙馬塔海帖木兒監牧翼甯每值曠旱必禱
祠下輒應如是三載因勒石以記靈應撰書人姓名殘泐

洪福禪院碑

至正九年十一月 僧守道撰洪通篆額郡人李健書今
在長治縣西李村

贈平陽萬戶翼十戶楊和甫墓碑

至正九年 今在洪洞縣高村

謹案碑泐其撰書人姓名惟存新街二行一爲翰林

國史編修一爲山北遼東道肅政廉訪使

潞州稅使樊宗禮墓碑

至正十年今在汾陽縣大相村

宣慰使鄭濤豐紀功碑

至正十一年今在鳳臺縣周村

鳳臺縣志碑後列鄉貢進士河南缺敏撰縣尹郝霖書

前御史閻仲榮篆額記稱辛卯寇起潁蔡延流江漢河

許蓋順帝十一年韓山童等亂汝潁時也考元史辛卯

五月潁州妖人劉福通迎韓山童爲主以白蓮聚衆爲

亂縣官捕擒山童其妻楊氏子林兒逃之武安六月福

通復迎林兒爲主八月陷汝甯府及息州光州至十五

年遂僭僞號碑所記鄭宣慰擒獲三百餘人其蔓廷寇

掠者尙數十萬殊誇張失實

奉政大夫同知廣元路總管府石元亨墓碑

至正十一年 今在洪洞縣社北原

謹案碑前列中順大夫前國子監司業崇文少監王
士元撰翰林侍講學士知制誥同修國史同知經筵
事揭傒斯書翰林直學士朝講大夫知制誥同修國
史兼經筵官王沂篆額又墓碣所題大字亦曼碩書
道美有褚虞法伊濱篆失拓士元平陽人

永濟橋碑

至正十一年 程秉直撰今在壺關縣東關壁村

天井關文廟大成殿碑

至正十二年 今在鳳臺縣

鳳臺縣志晉城書院山長牛麟撰安州知州徐克敬書

陽城尹趙繩祖篆額本關老人等立石元官制漢人年
過五十及兩舉不第者授以教授學正山長後惟授學

正

陽城縣修學碑

至正十二年 縣人李聰撰

靈贍王廟碑

至正十三年 呂思誠撰今在平定州獅子山

聖壽寺碑

至正十三年 呂思誠撰今在平定州白羊村

文水縣文廟碑

至正十四年 郝忠恕撰縣尹許繼誠立石

祝融廟碑

至正十四年 監州帖木兒不花撰今在遼州

關侯廟碑

至正十四年 鄉貢進士王世英書今在鳳臺縣夫妻嶺

雲貞觀碑

至正十四年 鄉貢進士焦文苑撰今在鳳臺縣小析山

湯王廟

鳳臺縣志記稱干戈擾攘國事孔亟了此大緣實所罕

見也考是年徐壽已先竊號明年乙未韓林兒亦僭僞

位李羅擴廓日尋干戈按李羅擴廓爭冀甯在後十年此年乃劉福通等自豫入晉時

心民生其間瑣尾流離如陷水火矣

玉皇廟廊廡記

至正十五年 郡人王宗道撰鄉貢士段居敬書今在澤

州府城

崔府君廟李能祠碑

至正十五年 王士綱撰今在長子縣

柏林寺晉王影堂碑

至正十五年六月 今在代州西七里

代州志碑久仆石裂爲三前有奉旨開法宗慧大禪師

沙門缺翰林學士知制誥缺並泐其名後列銜八人可

辨者僅嘉議大夫武明將軍忠明將軍忠翊校尉字姓

名皆漫滅其文義隱約可辨蓋趙王之先於元初考譜

牒爲克用後裔故爲寺置田供祀事至其孫馬札罕復

修其祠耳元史諸王表駙馬馬札罕泰定元年封趙王

文姚燧河內李氏先德碑載駙馬趙王爲克用置守冢

據元史爲趙忠獻王闕里吉思此碑有別吉里思未知
爲一人否

興國寺碑

至正十五年 宋克篤撰今在垣曲縣安民街

聖惠鎮新城碑

至正十六年 黃覺撰轉運使那海德俊建今在運城

諸葛武侯廟碑

至正十六年 程易撰今在大谷縣咸陽谷

后土祠碑

至正十六年 知吉州貝川道人撰今在鄉甯縣

資政大夫戶部尙書鄭允中先塋碑

至正十六年四月 翰林承旨趙孟祚撰今在石樓縣南

五里原

粹經樓記

至正十六年 舊在長子縣

志略程文撰見天下金石志通志云粹經樓在安懷坊元
隱士王士綱建

長子縣學講堂石刻

至正十七年 縣尹劉溥撰今在明倫堂壁間

贈中順大夫李貴墓二碑

至正十七年 今在長治縣蔭城鎮

謹案貴兵部尚書李惟馨之父也墓誌爲翰林承旨
知制誥張翥撰又有神道碑爲祕書少監揭傒斯撰
襄陵人著有蛻菴集泮曼碩子也以文學世其家

屯留縣藉澤里宣聖廟碑

至正十八年 翟祺撰里人朱思約建

靈泉寺詩碣

至正十九年 今在陽城縣劉村

陽城縣志詩七律前有序云至正乙亥余以饋軍河南
道出沁水宿靈泉寺與干峰上人及月塘松庭二長老
話方外事因留題云末署中奉大夫晉脩監郡兼刑部
尙書浚儀馬世德元臣清風道人作又有繼監澤野耕
道壁間一絕

臥龍祠禱雨碑

至正十九年 陳敬撰今在襄陵縣東六十里

淮陰侯廟碑

山西通志卷九十一
金石記
至正二十年 歸賜撰今在靈石縣高壁嶺

謹案高壁嶺俗名韓侯嶺有淮陰侯廟及墓碑謂靈石之有廟以侯所經也又云廟始於金明昌則其冢爲後來因廟而偽造顯然惟文末言有故記石勒而文不屬似又在金以前矣歸賜汴人元史有傳

東嶽廟碑

至正二十年七月 縣尹盧希古撰今在蒲縣翠屏山

禹王廟詩碣

至正二十年 歸賜撰今在夏縣

謹案詩前有小序云至正庚子賜避地至縣庚子爲二十年本傳居夏縣在二十三年致仕後是賜嘗再至縣後遂卒於是也

東嶺村孔子燕居廟碑

至正二十一年 張昌撰今在襄陵縣南

雷公山感應碑

至正二十一年 姚拜延華著撰今在大同府西

成湯廟祈雨靈應碑

至正二十一年 今在鳳臺縣小析山

鳳臺縣志學正高昌民撰至正辛丑月日立文頗潔淨

書法亦佳

官水磨碑

至正二十一年五月 今在繁峙縣南關

繁峙縣志元堅州朔建官水磨碑記鄉貢進士東魯歐陽讓撰并書丹按元史文宗成宗諸紀皆備記五臺山

營造事而順帝紀中無之由順帝實錄全闕明初修史皆州縣條採軼事上開故災異居其大半是碑所載五臺營造實可補史闕也按碑言是年五臺有營造之費南路由齋膳之修木州築拾云云又言漉沱水利十分爲率北渠六分官磨取其碑後四分收物孔多一州之給有餘三處之供不絕碑後列街達魯花赤知州同知州判官皆二員一正一權同理州事當時制殊不可曉

上黨縣達魯花赤忽都帖木兒德政碑

至正二十一年 今在長治縣

長治縣志碑前書河東鄉貢進士上黨晉鵬撰郡人李宗器書河東鄉貢進士壺林杜敏學篆後書耆老忠胡枝尉千戶楊大亨儒學教諭李珪軍民長官安玉路德等立石如碑所陳兵火之餘益以旱蝗大陣關保守太

行隘有司供億科徵無法蓋潞民之困甚矣所云平章野菴公者察罕鐵木兒也

關虎二佐轉勳德碑

至正二十二年 耿元益撰舊在潞城縣南關

謹案關保虎林赤並察罕部將碑紀潞澤遼沁兵事甚悉殊可補史闕也

平章察罕鐵木兒生祠碑

至正二十二年 歸陽撰舊在夏縣

謹案碑題道蠻公者其氏也祠在縣城及朱呂村祀平章及尚書阿都溫參政帖臺不花察罕弟皆當時轉戡河東者也今祠廢碑不知所在文見縣志

龍神感應碑

至正二十三年 今在鳳臺縣五龍廟

鳳臺縣志鄉貢進士劉貫撰前州同知楊子宜書篆記
稱二十二年太守杜九思等於五月禱雨十月祈晴其
應如響二十三年總戎太尉中書平章復以朱君文明
來守是州考至正壬寅十二月以擴廓鐵木兒平山東
功授太尉中書平章事便宜行事遂於次年署置官吏
不復請命於朝跋扈之勢已成記蓋有微辭也

臥龍祠碑

至正二十四年 邑人劉中撰今在襄陵縣

師曠廟碑

至正二十四年 邑人張守大撰今在洪洞縣師村

河南江北知樞密院事魏賽因不花去思碑

至正二十五年 尙思明撰今在偏關縣

謹案碑記擴廓討李釋時河南右丞魏賽因不花統兵駐偏頭關事也擴廓方爲河南王魏其屬官所云魏兵由汾隰北上經臨石拔興嵐定憲陝及是年屯雲內攻圍東勝諸事並可補元史所未詳

狄武襄祠碑

至正二十六年 學士木寅撰今在汾陽縣

禱雨感應記

至正二十六年 學士木寅撰舊在汾州府署

謹案縣志載此文云至正丙子余歸耕田西河之上考至正無丙子當是丙午與前碑爲一時作太守宋思祖與前碑之右轄趙立信府志職官皆不列名木

實亦僅見選舉無可考也

裴忠烈公廟碑

至正二十七年 今在澤州府城

鳳臺縣志汴梁歸彥溫賜撰知州李思敬篆州判阿馬
魯丹考歸賜於順帝二十三年以集賢學士致仕僑寄
宏蔚宣大間關避兵復居夏縣此祠成於乙巳所云走
書數百里來記者正二十七年居夏縣時彥溫以是年
卒明年元亡

文昌行祠碑

至正二十七年 今在澤州府天慶觀

鳳臺縣志參議中書省事河東張衍撰書記稱大河之
東靈風未協州守孝敬思戶部司計成憲共喪盛舉張

衍及成憲史俱無名而計爲澤人考至正丁未擴廓鐵木兒與閼保新高自相攻擊明年由澤州退守晉甯保守澤潞二州擒殺二將置國事於不問遂致順帝北遜此何等時而乃建祠崇文亦少見事也

襄陵縣達魯花赤馬思忽別德政碑

至正中 柴潛道撰文見縣志

謹案縣志至正中監縣者又有虎篤鐵木耳因禱雨感應民爲立碑文無可考

渠仙觀碑

至正中 元凱撰今在潞城縣曲梁村

崇慶禪院碑

至正中 邑人苗秉爲撰今在潞城縣良才山

穎川忠襄王察罕帖木兒廟碑

至正中 孫著撰今在解州城

謹案察罕於至正二十二年爲田豐所戕其子擴廓代領其眾訖至正末年翼甯晉甯二路並爲所有故太原平陽皆爲立祠此碑述破賊安邑聞喜事末述擴廓授官平章而不詳爵號或建廟在察罕初葬時也

會仙觀碑

至正中 李濟撰平章王泰亨建今在平陽府

呂簡肅公祖塋碑

至正中 潘迪撰今在汾陽縣洪哲里

贈嘉議大夫河東郡伯呂宣墓碑

至正中 虞集撰子沆立今在汾陽縣

卜山書院碑

至正中 今在汾陽縣大相村

雪山寺碑

至正中 危素撰今在五寨縣

志略金谿李元復登齋常談叢錄云危太樸學士集久不傳南豐羅進士宰山西五寨縣徐伯蘭客其署中一日偕遊雪山寺山在縣東南十餘里寺盡圯惟柱礎碑石尙存碑文近千言視其末款題蓋太樸於元時所撰亟取紙筆錄以歸云云焯按碑文未見拓本不知何人所書考山西

通志亦無所謂雪山寺者他日遇其縣人當詳問之

按縣志東

雪山在縣東南十五里有馬家寺古塔又西雪山在縣西南上有蘆茅古道場登齋所云蓋卽馬家寺也蘆茅爲山

右名山與東西雪山佛刹相望當不乏古碑而府縣志不錄金石可見者僅宋潘閻數詩而已

瑞州總管傅顏碑

至正中 學士曹元撰今在平定州東鳳渠口

右丞呂思誠墓碑

至正中 學士雷天撰今在平定州北二里

忻州知州張真紀功碑

至正中

稷山縣藥張商三侯德政碑

至正中 鄉貢進士姚庸撰

稷山縣志達魯花赤藥僧唐兀人縣尹張名昭順德人

主簿商名顯祖

稷山縣監縣徹里鐵木兒縣尹葛禮德政碑

至正中 鄉貢進士郝希文撰

屯留縣尹張鵬翼去思碑

至正中 宋思約撰

謹案四碑皆元末州縣之能捍衛城邑者而屯留碑
有天造草昧兵凶薦臻之語則其立石當在明洪武
建元時矣其云樞省督責時擴廓以冀甯爲行省也

代州廟學碑

至正己酉 席公舉撰舊在州學

代州志文云己酉八月工畢日落成告廟己酉爲明洪
武二年前年十二月徐達克太原是年正月常遇春取
大同六月元帝北走和林州爲明有己半載矣而其文
但追頌勝國不及興朝蓋是時擴廓鐵木兒銳意恢復

山西通志卷九十六 金石記
州人猶以捲土重來望之也明史洪武五年命陸亨傳
友德捕代縣反者是後此三年尙復梗命亦可以覘邊
人風氣之厚矣

雪峰和尙道行碑

王好古撰今在太原縣開化寺

以下諸刻皆
不詳年月

平晉縣尹康庸墓碑

今在榆次縣龍白村北

宣德郎李壽之墓誌

太原路教授李之芳撰今在太谷縣

大將軍墓殘碑

今在太谷縣東南二十里四卦村

舊通志將軍傳名常飛虎墓冢不知所在殘碑尙存

開河碑

曹大清撰太谷縣尹劉約禮立文見舊通志

元帥解義墓碑

今在交城縣

左丞相梁錦陽墓碑

揭傒斯撰今在文水縣李端鎮東

戶部尚書王雲墓碑

歐陽鉉撰今在文水縣雲州村

崇聖宮碑

元復初撰趙孟頫書今在平陽府城北二里

蒙溪先生祠堂碑

張思敬撰今在襄陵縣張相村

梁元帥墓碑

進士張思溫撰今在襄陵縣東十二里

助教盧希古墓碑

趙孟頫書今在襄陵縣義村

贈萬戶翼千戶楊德明墓碑

編修許儼撰今在洪洞縣高村

太原郡侯郭公墓碑

侍郎韓肅撰今在洪洞縣東三里

隱士張守大墓碑

今在洪洞縣東二里

廉訪使忠肅公李謙亨墓碑

李尤魯撰今在曲沃縣南二里

鎮南大元帥靳和墓碑

揭傒斯撰今在曲沃縣曲村

北城先生屈繼平墓銘

太常博士侯均撰今在翼城縣西古澗村

侍郎周守則墓表

周義撰今在翼城縣北門外

禮部尙書吉祥碑

趙孟頫撰今在汾西縣

撫民長官趙俊墓志

今在鄉甯縣城東二里暖泉灣

封河東郡公何汝麗墓碑

歐陽元撰今在永濟縣

中丞何約墓碑

歐陽鉉撰今在蒲州府東北二十里文學村

舉殿試孫公傳碑

今在虞鄉縣中條山下

樊孝子碑

今在虞鄉縣東十六里董村

元刻秋風辭碑

舊在榮河縣廟前鎮

元帥吳信墓碑

今在榮河縣北四十里

風伯雨師廟碑

毛鐸撰舊在萬泉縣孤山

天慶觀酒聖神燈記

王嵩撰舊在潯安府城三忠祠

知州王守忠墓誌銘

呂思誠撰今在長治縣桃園里

志略通志陵墓門作御史李忠撰文又守忠作守中疑誤

追封扶風郡伯馬繼翰世德碑

御史張起巖撰今在長治縣

提舉王天佑碑銘

大常卿李紹撰今在長治縣宋村

郎中曹堅元墓碑

今在長治縣五龍山

長子縣文宣王廟碑

推官王演撰見縣志碑目

黎城藏書樓碑

右丞許有壬撰縣尹白謙立舊在縣學

廉訪使馬繩武碑

今在壺關縣龍溪山下

元貞觀碑

翰林修撰張益撰今在汾州府南

謹案張益孝義縣人泰定元年狀元

靈泉寺碑

今在永甯州西南百二十里

淮西道廉訪使朱翼墓碑

歐陽元撰今在高平縣高良村

尙書張萬初墓碑銘

今在陵川縣東窠村

尙書李廷實墓碑

今在陵川縣楸樹窠

平章曹立墓碑

今在懷仁縣西北四老溝

薛御史墓碑

今在懷仁縣西南薛家莊

左丞李彥古碑

今在應州城東北

鄧峰寺碑

今在靈邱縣南

舊通志昔有鄧隱峰兄妹修鍊於此後仙去遂建寺元
時勅修斷碑尙存

知州聶仁碑

今在廣靈縣東南加斗村

百戶樊楫墓碑

張秉禮撰今在遼州北突隄村

副使馮大來墓詩刻

今在平定州

山石碑目元好問王構弔馮大來副使詩行書無年月

穆按刻遺山集內補遺陽泉馮使君墓七律一首注云

詩刻在陽泉北嶺圍窪馮氏墓香亭上遺山親筆也

晉甯路總管劉忠成碑

今在平定州北

元帥府監軍牛鐸神道碑

今在平定州南白崖頭村

松峰書院記

呂思誠撰今在平定州樂平鄉南三都

知樂亭記

歐陽元撰今在平定州北八里都湫上

雲日樓記

呂思誠撰舊在平定州陽泉村

志略碑見天下金石志舊志云元仁宗自懷孟來過此

天甯寺大悲閣碑

呂思誠撰今在平定州下城

九原府右副元帥畢威墓碑

今在忻州東十五里雙堡

蕭政廉訪司僉事王廷佐墓碑

翰林學士馬穎撰今在靜樂縣北門外

太常寺奉禮郎趙惟賢墓碑

今在崞縣北十五里黃珥村

元帥李居禎墓碑

今在崞縣東銅川都莊村

樂全觀碑

杜思問撰今在芮城縣西北二十五里水峪

御史韓亨甫先塋碑

今在絳州城西四里

廉訪使李思敬墓碑

今在絳州城北五里

柏壁修道記略

陳熾撰正平尹閔道立石舊在絳州西南二十里

洞神宮碑

郝毅撰今在稷山縣北

谷神觀李先生道行碑

今在聞喜縣乾院村

謹案縣志碑目又有河底道觀圓李先生碑長春觀

碑興國寺碑皆無年月及撰書人姓名附見

李忠孝感碑

李宗懷立石今在趙城縣營田村

右元碑碣

山西通志卷九十六